

امور تحریر یہ ایچون فؤاد بکہ
وامور ادارہ ایچون آرتین افندی یہ
مراجعت اولنور.

معاہدات

ادارہ خانہ سی باب عالی جادہ سندہ
۵۲ نومبر ولی « شرکت مرتبہ »
طبعہ سیدر.

استانبول ایچون سنہ لکی مطبہ دن
آلتمق شرطیلہ ۴۰ ظشرہ لره پوستہ
اجرتیلہ برابر ۶۰ غروشدر.

مسلمکمزہ موافق آثار قبول اولنور.
درج اولنمایان اوراق اعادہ اولنماز.

نسخہ سی ۱ غروش

پنجشنبه کونہری نشر اولنور ادبی، فنی و صناعی غزترہ در

نسخہ سی ۱ غروش

کنديسنک (قاله) ده اقامته تخصیص ایتدیکی بر حقیقه بر موزه اطلاقه سزاوار ایدی. نشیمنکاهی غایت واسع اسکی برقله دن عبارت اولوب آشانی قاتنده بونان بریلاردو صالونک درت طرفی (قاله) سواخانده کشف اولمش طبقه ثانیه منسوب برطاق مستحانه لرایله اجسام آلیه و درونلری صمان ایله طولدریشن حیوانات عجیب التمثال ایله مزین ایدی. ایلك قاتنده بونان سالون ایله یک او طه سی کوچوک بر باغچه ناظر اولدیغی کبی ایکنجی قاتی متعدد او طه لره منقسم و او چینیسی اوج درت بیك جلد کتابی حاوی بر کتبخانه ایله آراسته ایدی. هپسنک فوقده بر رصدخانه موجود ایدی که اورادن اطرافه توجیه نظر ایدیلنجیه صفحه دریا بر مرآت مجلا کبی نمودار اولوردی.

عجم فن هیئات ایله پک زیاده مشغول بولندیغدن بعض کشفیات رصدیه اجراسنه موفق اولمش ایدی.

بن فرصتن استفاده هوسنه دوشه رک دیدم که:

— عجمه! بن هیچ بر وقت جدی بر مکالمه بواقشامکی قدر خواهشکر اولدیغی نیلورم.

عجمه بونی ایشیدنجه:

— پک کوزل! اگر ایسترسهک بن سکا بیلدیگی آکلاتیم دیدی.

صوکره بکا برقدح شاه پانیا اوزانه رق راسمه مهمما نوازی بی بعد الادا شو یولده افاده مافی الضمیر ایتدی:

°°

هوای تمامیه صاف اولدیغی زمان قبه فیروزه فام آسمان نه قدر پارلاق، نه قدر کوزلدر! فقط صاف و شفاف هوانک آراسندن خفیف بر روزگار توج ایتکه باشلار باشلاماز حاوی اولدیغی بخار بر بولوط شکنده مشهود

اولور: هوا ینه اسکی جاننده در؛ مزاجی تغیر ایتشدر. پک و براق اولان جو سما نقاب سخابه بورونمشدر.

خلقت نه در بیلیر میسک؟ علویت ابدیه آله بدن موقتاً تجلی ایدن بر سخاب مضی در. خلقتک دأما موجود اولدیغی یاخود علی التامدی پایداز اوله جغنی هیچ بر تجربه فیه ایله تحقق ایتمشدر. دلایل ظاهره بالمعکس امر خلقتک بر نقطه دن باشلادیغی کبی بر نقطه یه منتهی اوله جغنی مؤیددر.

طوپرافلر، صولر، بولو طلر، چاپلر، اورمانلر، بقعلر، شموس و سیارات، بونلرک جمله سی عالم علویدن مقتبس بر عارضه، یعنی تمادیا رنگ لاجوردیسی محافظه ایتسه سی لازم کان بر سمای صاف اوزرنده آرا صره مرئی اولان سخاب قیلندن فانی و ناپایداردر.


هر کوردیکمز و هر طوقوندیغمز اجسام غیر مرئی و غیر مماس برطاقم اجزای لایتجزا دن متشکلدر. عالم مرئی بر ماده نک عالم وسیع غیر مرئیده اکتساب ایتدیکی بر هیئت موقته دن عبارتدر. بر سیاره دن معادن، نباتات، ازهار، اشجار، حشرات، هوام و سایر اجسام ظهور ایدر.

حیات ارضیه نک تدریجاً کسب توسع و انبساط ایله سندن بی بشر وجوده کلیر. بی آدم یاشار، دوشونور، حرکت ایدر، تحصیل ایدر. هر کوردیکی شیئی عقل و حکمتیه تطبیقه چالیشیر. مع مافی بزموجود اولماسه یدق ینه ارض دور شمسده دوران ایده جک ایدی.

انسانلر کرک عالی تصورلرده بولنسونلر، کرک عاقل قالسینلر، بوندن دامن کبریای الوهیه هیچ بر توز قونماز. عالم ینه او عالم، دوران ینه اودوراندیر. ایستر دوشونکر، ایستر دوشونمیکز؛ ایستر سوکر، ایستر سومیکز؛ ایستر یاشایکز، ایستر یاشامیکز؛ خواه ذکی، خواه غبی؛ خواه کوزل، خواه چیرکین؛ خواه کنج، خواه اختیار اولکز؛ بوندن کائنات

قطعا متأثر اولماز. شو کوردیکمز شیرک کافه سی بر خیال هممن، بر شکل و هو مدن عبارتدر.

اوله ایسه تدقیق اسرار خلقتیه قالفیشیق عبدر. خلقتک کلیاً مقفود اوله سی یاخود بشقه بر صورتله موجود بولنسه سی ده ممکندر. انسان دریای بی پایان وجودیه نهمه قدرتن تحصیل بر کف مشابه سنده در؛ او فانیدر. ذات اقدس آلهی همیشه باقی و دأمدر. بعض اشیا عقاله مخالف کورونور. چونکه عقل قاصر من آنک تمامیه ادراک ماهیتدن عاجزدر. اسرار خلقتک هر برنده بر حکمت موجود ایسه ده کشفی بزه میسر دکلدر. (مابعدی وار)



رقمه مشق اوله رق یازلق اوزره ترتیب ایدلش بر مقاله جکدر:

معلومدر که بحسب الظاهر نباتات تنفسه قابلیتله جهادادن، حیوانات مشی و حرکتیه نباتادن، انسان ایسه نطق و طلاقتیه حیوانادن تمیز و فکر و معرفتی سنایسنده حاکم حکمتسرای طبیعت عنوان مفخرتی حائزدر.

فکر بشر بر جوهر صدق نشینه بکر که آرایش معرض استفاده اوله سی انجق نطق و تقریر و کتب و تخریر ایله میسر اولور. کتابت صیقل فیض آور نطق جوهر عرفانه بخش ایتدیکی رونق و شعشه بی تکمیل و تأبیده خدمت ایتدیکی ایچون کلانک و مداوله افکار مدار یکانه تمدن اولقی، اوده محضاً واسطه تکلمه حصول بولقی حسبیه — نتیجه طبیعیه مدنیت اولان سعادت حال انامک ملک الصیانه سی حکمنده در!

فکر، کلام شکننده طوغار، کتابت سایه سنده یاشار بر جسم لطیفدر که فیض و لراوت و قدر و مزیتی حسن بیان و ادایه درجه مقارنتی نسبتنده جلب دقت و کسب

اهمیت ایدر. ناقص افاده اولغش مکمل بر فکر، چرکین برضورته نصیب اولمش کوزل سیرت کبی، مظهریتندن مشتکی کورونور. ایشته، حین طلوع وحصولارنده برر هیولای تصوردن عبارت اولان موالید فکریه بی تجسیم و تزین ائمه سی حیثیتله درکه کتابتی ادبیاته اصل اساس عد ایدرلر. حسن خط ایسه، کوزل بر وجودک کوزل کیدیرلمه سی قیلندن اوله رق، کتابتک نظر شکار بر لازمه قیمت واعتبار ایدر!



تراجم احوال

قاضی بیضاوی

تصانیف جلیله سیله شهر تشعار بر محقق بزرگوار اولوب اسمی عبدالله، لقبی ناصر- الدین، کنیه سی ابوالحیر، والدی عمر بن علی البیضاوی در.

بیضا (بیزا) دن معرب (شیراز) ملحقا- تندن برقریه در.

مشارالیه بر خیلی مدت اقلیم فارس قاضیلکننده بولغشدرم اسباب استحصالی شودرکه:

مشارالیه ذاتاً قضانک شرط اعظمی بولنان حلیه زهد و تقوا ایله متحلی اولدینی حالده (تبریز)ه کیدر، اوراده علما وفقها جمعه نه دوامه باشلار و بو دوامه اظهار فضیلت غرض مشومنی قارشیدرماز. هر واردینی انجمنده کندینی طائمه سزین مستمین صره- سنه ادخال ایدر. بر معتاد برکون علامه

دوران ونحریر زمان کچینان بر مدرسک جمع تدریسنه داخل اولورکه اورانک باشلیجه اسباب احتشامی وزیر کبیرک دخی آنده بولغمه سی ایدی.

جناب بیضاوی صف نعالده بولغنی اصول متخذه سنه ده موافق بولدیغندن همان اوراجغه او طور یویرر، باقارکه مدرس افندی حقایق ودقایقندن بحث ایده چکی یرده کمال غرور واستکبار ایله مهملاته کیرشمش! اسرانیلیات سویلور! اساطیر الاولیندن دم اوریور! حاضر ونده بونک خرافاتی کوش هوش ایله دیکلیورلر! نهایت اورته به طرح ایتمش اولدینی مسئله حقنده ارباب کمال واعاظم رجال طرفندن بر چوق اقوال و آراء مختلفه بسطوبیان و بونلره قارشو بر خیلی ده اعتراضات وارده ومحاذیر بارده درمیان ایلدکدن سوکره حضاردن جواب ایستر؛ بوبله بر نحریر بینظیره کیم جواب ویره بیله جک؟ هر کس اوکنه باقار! ارتق جناب بیضاوی بو

صره ده سکوتی نامحل کوروب جوابه طاورا- نور؛ فقط مدرس افندی بیضاوینک سوزینی کسه رک مغرورانه وخودپسندانه برطور ایله «منلا! اول امرده تقریرات مشروحه می تمامیله اکلامش اولدیغنی بیلیدر» دیکجه سویله به جکک کلامی اصلا دیکلهم» دیه حقیقشیر! جناب بیضاوی دخی «پک ایو، تقریراتکی نصل اعاده ایده می؟ عین الفاظ ایله می یوخسه مائی می، نصل ایسترسین؟» جواب حیرت آنتسابی ویرمه سیله، مدرس افندی مشکل بر موقعه بولغش اولدینی تقریرله برابر طورینی بوزمه به رق شقینندن مشکل اولان جهتی تکلیفله «عین الفاظ ایله اعاده اولغنی ایسترم» دیکجه جناب بیضاوی مدرسک تقریراتی تمامها اعاده وافاده به باشلار! و بو صروده مدرسک اثنای تقریرده اعراب واعلاجه وقوعه کلان غلطاتی محسناً اوقوعه غله مدرس افندی بی عباره

یا کاشلرینه دخی واقف ایدر! بعده جوابسز قالدی ظننده بولغش اولدینی اعتراضات سابقه سنه قارشو، محقانه ومحققانه بر صورتده اجوبه کافیه ویردکن سوکره مدرسنه خطاباً کندیمی دخی بر قاج سوال مهم ایراد ایدر سه ده مدرس طرفندن ضروری عجز و محجوبیتی مشعر، اختیار اولنان صحت وسکوت آرتق مباحثه نک ختانه مستلزم اولور! بونک اوزرینه وزیر کبیر همان یرندن قالقوب قدرت عالیه سی کالات ذاتیه سی تعریف وتوصیه ایتکنه بولنان جناب بیضاوینک مقامی صف نعالدن صدر رجاله نقل وتحویل وحقنده فضل ودهاسیله متنا- سب بر صورتده مراسم تعظیم وتبجیله مسارعت ایدر. اشبو تعظیماتک اثر فعلیسی اوله رق همان اوراجقه بالجله اقلیم فارس قضاوتی عهدیه استحقاقه تقویض ایتکنه برابر قامت فضائل پیراسنه بر خلعت فاخره دخی اکسا ایلر.

مشارالیه (۶۸۵) سنه سی خلعت قضایی کیش اولدینی تبریزده لباس جسمانیدن صویونوب زمره روحانیانه التحاق ایتمش واوراده آسوده خاک مغفرت اولمشدر.

فاضل مشارالیه: التفسیر المسمی بانوار التنزیل، الغایه فی الفقه، شرح المصابیح، المنهاج، الطوالع، المصباح فی الکلام، وسائر کبی بر چوق مؤلفات نفیسه وجلیله سیله دار الکتب روزکاری تزین وتوشیح ایلشدر. دستخطیله تسوید ایتمش اولدینی (المصباح) ک خاتم سنه کمال محویت وتواضعی مبین شو قطعه بی درج وغلاوه بیورمش اولدینی مرویدر.

{قطعه}

منظور ما رسید زبیشینیان ولی حاصل نکشت مطلب آیندکان زما با اینکه ره معنی حرفی نبرده ایم کویند در زمانه دوصد داستان زما